

- *Fakultet zdravstvenih studija Univerziteta u Sarajevu, ul Bolnička br. 25., koji zastupa dekan, doc. dr. Arzija Pašalić, i*
- *J. U. Zavod za hitnu medicinsku pomoć Kantona Sarajevo, adresa: Kolodvorska 14, Sarajevo, zastupan od strane direktora, mr. sci. dr Adem Zalihić (u daljem tekstu ZHMP), zaključili su*

SPORAZUM O SARADNJI

Član 1.

Predmet Sporazuma o saradnji (u daljem tekstu Sporazum) je uspostava naučno-istraživačke, obrazovne, stručne i komplementarne saradnje u oblastima djelatnosti potpisnica Sporazuma.

Član 2.

Saradnja između potpisnica Sporazuma u odgovarajućim oblastima odvijace se u slijedećim oblicima:

- Izvođenje teoretske i praktične nastave za studente Fakulteta zdravstvenih studija u J.U. Zavodu za hitnu medicinsku pomoć Kantona Sarajevo
- Zajednička stručna, istraživačka i obrazovna djelatnost, koja će se ostvariti realizacijom bilateralnih projekata i programa,
- Organizacija stručno-edukativnih seminara i radionica u okviru stručnog usavršavanja vlastitih kadrova kao i interesanata iz drugih organizacija,
- Razmjena edukatora i stručnih saradnika u skladu sa finansijskim mogućnostima potpisnica,
- Omogućavanje i unapređenje razmjene naučnog, stručnog i obrazovnog kadra i drugih saradnika, u funkciji realizacije istraživačkih projekata, diplomskih, magistarskih ili doktorskih radova, i
- ostale komplementarne aktivnosti od zajedničkog interesa.

Član 3.

Ugovorne strane su saglasne da će ZHMP osigurati sve potrebne uslove u svrhu obavljanja dogovorene teorijske i praktične nastave iz oblasti djelatnosti za koju je registrovan a posebno: hitne medicinske pomoći, vanbolničke emergentne medicine, unapređenja zdravlja populacionih grupa, urgentne zaštite zdravlja zajednice, javnog zdravstva, istraživanja, razvoja i menadžmenta zdravstvenih sistema, a prema nastavnim planovima i programima prvog i drugog ciklusa studija Fakulteta zdravstvenih studija koji podrazumjevaju dostupnost stručnog kadra, opreme i prostora za izvođenje edukacije.

Član 4.

Birani nastavnici i saradnici Fakulteta zdravstvenih studija Univerziteta u Sarajevu koji su uposlenici ZHMP mogu udruživati rad sa Fakultetom zdravstvenih studija, u skladu sa obimom nastave.

Član 5.

Realizacija pojedinačnih oblika saradnje strana potpisnica, koji su navedeni u članu 2. Sporazuma može se detaljnije utvrđivati posebnim Ugovorom.

U cilju provedbe pojedinih oblika saradnje, svaka od strana potpisnica će imenovati osobu nadležnu za koordinaciju potrebnih aktivnosti.

Član 6.

Svaka potpisnica Sporazuma će obezbijediti vlastite izvore finansiranja za realizaciju konkretnih oblika saradnje. Ovaj Sporazum uključuje i mogućnost finansiranja iz alternativnih izvora, obezbjeđenih aktivnošću od strane jednog ili oba potpisnika.

Član 7.

Otkazivanje Sporazuma može zahtjevati bilo koja strana potpisnica. Zahtjev za raskidom se podnosi najmanje šest mjeseci unaprijed.

Član 8.

Sporazum se sačinjava u četiri (4) istovjetna primjerka od kojih svaka sporazumna strana zadržava dva (2) primjerka.

Član 9.

Sporazum stupa na snagu danom potpisivanja.

**Fakultet zdravstvenih studija
Univerziteta u Sarajevu**



Doc. dr. Arzija Pašalić, dekan

Broj: 02-1-257 /19

Datum: 19.02. 2019. godine

**J. U. Zavod za hitnu medicinsku pomoć
Kantona Sarajevó**

Mr. sci. dr. Adem Zalihić, direktor

Broj: 1300 /19

Datum: 13.03. 2019. godine